



## **LAPORAN LIPUTAN MEDIA**

**AHAD / 10 SEPTEMBER 2023**

- 1. STOK BERAS CAP EHSAN SUSUT 15 PERATUS – KOSMO**
- 2. PESAWAH KEDAH, PERLIS CIPTA KEAJAIBAN – MINGGUAN MALAYSIA**
- 3. KEAJAIBAN PESAWAH KEDAH, PERLIS- MINGGUAN MALAYSIA**
- 4. KERAJAAN TELITI POLISI RANTAIAN BEKALAN AGROMAKANAN – MINGGUAN MALAYSIA**
- 5. NAFAS PERTAHAN POLISI PERTANIAN – MINGGUAN MALAYSIA**
- 6. PERKASA SEKTOR TANI – METRO AHAD**
- 7. SYOR BERAS TEMPATAN DI SABAH MASUK SENARAI BARANG KAWALAN – BERITA HARIAN**
- 8. KEKURANGAN BEKALAN BERI GAMBAR BERLAKU MANIPULASI PASARAN – BERITA HARIAN**
- 9. PASARAN BERAS GLOBAL TERTEKAN SEJAK INDIA HENTIKAN EKSPORT – BERITA HARIAN**
- 10. HAD BELI BERAS TEMPATAN 100KG BERI KESAN PENGUSAHA MAKANAN – SINAR AHAD**
- 11. BEKALAN BERAS EHSAN KURANG 10 HINGGA 15 PERATUS – SINAR AHAD**
- 12. BOHONG DIRI PASAL PADI – SINAR AHAD**
- 13. LOVING IT, AND WASTING IT – SUNDAY STAR**

**DISEDIAKAN OLEH:**

**CAWANGAN KOMUNIKASI KORPORAT (MADA)**

**KERATAN AKHBAR : KOSMO**  
**TARIKH : 10 SEPTEMBER 2023**  
**PERKARA : ISU SEMASA**



**GAMBAR** bertarih 25 Julai 2023 menunjukkan penduduk beratur pada Program Jualan Ehsan Rahmah (JER) di Dewan Komuniti Taman Kantan Permai, Kajang.

## Tidak kritikal, usaha tambah pengeluaran dibuat

# Stok beras cap Ehsan susut 15 peratus

Oleh **ISKANDAR SHAH MOHAMED**

**KUALA SELANGOR** – Kerajaan Selangor mengakui bekalan beras cap Ehsan lima kilogram (kg) keluaran Perbadanan Kemajuan Pertanian Selangor (PKPS) berkurangan antara 10 hingga 15 peratus awal bulan lalu.

Menteri Besar, Datuk Seri Amirudin Shari berkata, isu kekurangan bekalan itu diperoleh menerusi hasil laporan Jualan Ehsan di seluruh negeri ini.

Jelas beliau, kerajaan negeri menerusi Exco Kemajuan Infrastruktur, Permodenan Pertanian dan Perladangan, Izham Hashim dan Kementerian Perdagangan Dalam Negeri dan Kos

Sara Hidup (KPDN) diminta memantau lebih teliti isu berkenaan.

"Setakat ini, laporannya tidak begitu kritikal, malah saya percaya dapat menanganinya termasuk menambah pengeluaran dari Sekinchan yang menjadi kawasan pengeluaran padi serta beras negeri.

"Jika ada kekurangan (bekalan beras), ia berlaku di satu atau dua gerai jualan yang kehabisan stok kerana kita tidak sempat restock," katanya ketika ditemui selepas Istiadat Konvokesyen Universiti Selangor (Unisel) kali ke-17 di Kampus Bestari Jaya, di sini semalam.

Ditanya sama ada kerajaan negeri bersedia menambah stok

bekalan beras bagi Jualan Ehsan Rahmah (JER), kata Amirudin, perkara itu akan dilaksanakan berikutan permintaan tinggi pada masa ini.

"JER akan diteruskan dan apa paling penting kita mahu memastikan bekalan di pasar raya mencukupi. Empat outlet ketika ini menjual beras Ehsan mencukupi walaupun mendapat permintaan tinggi kerana harga lebih murah berbanding jenama lain.

"Kerajaan negeri menyediakan subsidi sebanyak RM3 bagi setiap lima kg beras Ehsan yang dijual. Namun, tiada subsidi beras diberikan bagi pembelian di outlet dan hanya melibatkan JER," tambahnya.

**KERATAN AKHBAR : MINGGUAN MALAYSIA**

**TARIKH : 10 SEPTEMBER 2023**

**PERKARA : ISU SEMASA**



**FRONT PAGE**



Memastikan bekalan beras negara cukup melalui projek tanaman lima kali dua tahun

# Keajaiban pesawah Kedah, Perlis

Oleh **MUHAMMAD AIMY AJIMAD, MOHEL HAFIZ ABD. MUTALIB dan MOHAMAD ATHIR ISMAIL**

**ALOR SETAR:** Ketika dunia berdepan kenaikan harga beras tertinggi dalam tempoh 15 tahun, rakyat boleh menarik nafas lega apabila usaha kerajaan meningkatkan penghasilan padi melalui sistem penanaman lima kali dalam tempoh dua tahun menghasilkan hasil.

Projek perintis yang dilaksanakan di Perlis dan Kedah bukan sahaja berjaya menambah pusingan penanaman padi tetapi juga dapat meningkatkan hasil bagi setiap hektar daripada sekitar empat hingga lima tan sehektar sebelum ini kepada kira-kira 10 tan sehektar.

Di Perlis, projek perintis penanaman padi lima kali dua tahun di Kampung Lar 1000 ternyata menunjukkan perkembangan positif dalam usaha mencapai tahap sata dan (SSL) pengeluaran beras apabila mampu menghasilkan 10.45 tan padi bagi setiap hektar sawah yang disasahkan.

Ini secara langsung meningkatkan pendapatan petani hingga 50 peratus.

Kira-kira 70 pesawah terlibat dengan Projek Smart Sawah Bayala Besar (Smart SSB) Mini Sekinchan Muda di Kampung Lar 1000 itu membahagikan kawasan 100 hektar.

Melihat kepada perkembangan hasil padi berkenaan, projek tersebut mungkin diperluaskan pada musim depan melibatkan kawasan seluas 300 hektar di Kuala Sanglang.

Dilaporkan hasil lebih 10 tan metrik per hektar itu disifatkan paling tinggi pernah direkodkan di negeri itu membandingkan hasil ketampanan pesawah sebelum ini hanya sekitar empat ke lima tan metrik bagi kawasan sama.

Bercakap kepada Mingguan Malaysia, ketua projek, Allen Lim Maunon, 50, berkata, hasil padi pada musim ini di kawasan berkenaan memecah sehingga 1,045 tan metrik iaitu jumlah yang cukup tinggi selepas pesawah mengikut kaedah penanaman Smart SSB.

Katanya, selepas Sekinchan, hasil lebih 10 tan metrik per hektar itu antara tertinggi di negara ini.

Katanya, selain teknologi moden serta sistem pengairan yang baik, usaha dan disiplin pesawah khususnya pengurusan bendang itu juga antara faktor kepada peningkatan hasil berkenaan.

"Berikutan peningkatan hasil



**PESAWAH** melihat hasil padi yang dipindahkan daripada mesin padi ke lori sebelum dibawa ke pusat jualan di Kampung Alor Radis, Arau, Perlis. - MINGGUAN/ULIZAN OTHMAN

**Disiplin pesawah sangat penting khususnya dari aspek pengurusan sawah seperti masa untuk proses menabur baja, racun, buang padi angin selain sistem pengairan yang baik. Bukan sahaja di Perlis direkodkan paling tinggi malah di seluruh negara."**

berkemam, pendapatan pesawah boleh meningkat sehingga RM10,000 per hektar berbanding sebelum ini sekitar RM4,000 ke RM5,000 iaitu peningkatan sehingga lebih 50 peratus.

"Hasil yang tinggi musim ini selepas mengikut kaedah penanaman seperti di Sekinchan sangat tinggi selain hasil padi yang cukup can-

ta. Penanaman mengikut kaedah tersebut (projek Smart SSB Mini Sekinchan) ini perlu diperluaskan kerana hasilnya sudah nyata.

"Disiplin pesawah sangat penting khususnya dari aspek pengurusan sawah seperti masa untuk proses menabur baja, racun, buang padi angin selain sistem pengairan yang baik. Bukan sahaja di Perlis direkodkan paling tinggi malah di seluruh negara," katanya baru-baru ini.

Smart SSB mula diperkenalkan pada awal 2021 dan adalah satu inisiatif Kementerian Pertanian dan Keterjaminan Makanan untuk meningkatkan kadar SSL.

Difahamkan setakat ini, program tersebut telah dilaksanakan di kawasan seluas 11,000 hektar di seluruh negara melibatkan 4,000 pesawah dengan sasaran keseluruhan 240,000 pesawah terlibat dengan program Smart SSB ini.

Keluasan kawasan tanaman padi di seluruh Perlis ialah 29,300.27 hektar membahagikan 19,014.53 di kawasan Lembaga Kemajuan Pertanian Muda (MAMA) dan 10,285.74 hektar di luar kawasan MAMA dengan keseluruhan pesawah 17,910 orang.

Di Kedah pula, Pengurusan MADA, Daruk D., Jamal Salleh berkata, projek rintis penanaman padi lima kali dua tahun dalam skala besar

melibatkan MADA bagi kawasan jelapang padi dan Jabatan Pertanian Negeri Kedah untuk sawah luar.

Jamal berkata, sehingga kini pihaknya telah melaksanakan penanaman padi lima kali di kawasan seluas 213.93 hektar yang melibatkan 165 petani.

Antara lokasi tersebut adalah 51.6 hektar di Titi Baru, 16.6 hektar (Plot Bk 57) 4 hektar (Pantai Jambai) dan 48 hektar di Titi Gajah A, selain tiga lagi lokasi dalam Kawasan Muda di Perlis.

Beliau berkata, MADA memulakan penanaman lima kali dalam tempoh dua tahun itu secara berperingkat dengan penanaman menambah baik infrastruktur pembiasan sistem tosew di kawasan berkenaan.

"Kawasan Muda merupakan jelapang padi terbesar di Malaysia yang merangkumi kawasan seluas 131,282 hektar yang mana 100,685 adalah kawasan penanaman padi yang terletak di Kedah dan Perlis."

"Malah, teknologi yang berkesan juga memastikan peranaan untuk penghasilan padi lima kali dua tahun itu bagi memastikan tanaman padi dapat dilaksanakan dengan baik contohnya seperti penggunaan varieti tempoh matang pendek," katanya.

Ismail berkata, cadangan kerajaan melaksanakan penanaman padi sebanyak lima kali dalam tempoh dua tahun itu diyakini mampu meningkatkan semula pengeluaran padi sekali gus menjamin SSL beras negara.

"Dengan syarat bukan sahaja infrastruktur berada dalam keadaan baik tetapi pesawah mematuhi jadual penanaman yang telah ditetapkan kerana jika musim pertama sudah terlepas bagaimana mahu selitkan penanaman yang kelima dalam tempoh dua tahun itu," katanya.


Tamabah beliau, tidak ada sebarang perubahan drastik dilaksanakan setakat ini bagi menyayakan agenda penanaman padi lima kali dua tahun itu kecuali penambahsahan satu musim antara tahun pertama dan kedua.

"Ini bermula kalau hasil padi kali pertama dan kedua sekitar enam tan metrik per hektar, kita menganggap hasil padi pada penambahan musim penanaman juga sama jumlahnya yang secara tidak langsung meningkatkan hasil penghasilan padi negara," katanya.

Sementara itu, penanaman bagi kawasan luar jelapang di Kampung Rantau Panjang, Kuala Muda, Kedah juga telah dimulakan sejak April lalu untuk musim 1/2023 sebelum penambahsahan satu pusingan

**CONTINUE NEXT PAGE**

## Garis masa tempoh semusim tanam padi (105-110 hari)



● HST: Hari setelah tanam ● HLT: Hari lepas tanam

penanaman sekitar Januari hingga Februari tahun depan bagi melegakan lima kali penanaman itu.

Projek rintis secara berkelompok di kawasan seluas 100 hektar yang diketuai Jabatan Pertanian Negeri Kedah itu menggunakan benih MR220 CL2 yang boleh ditanam dalam tempoh tidak sampai 100 hari.

### TANAMAN LIMA MUSIM BERISIKO TERASAR

Realiti tanaman padi lima musim yang pernah dilaksanakan sekitar 2015 hingga 2016 di Selangor tidak seperti digambarkan apabila projek perintis tersebut didakwa gagal mencapai matlamatnya.

Selangor hampir 10 tahun lalu menjadi pelopor kaedah tersebut melibatkan 60 petak sawah dengan keluasan keseluruhan 72 hektar pada empat blok kawasan di Kampung Sawah Sempadan, Tanjung Karang.

Bagaimanapun projek itu dianggap gagal kerana tidak mencapai matlamat yang menyasarkan hasil melebihi 40 tan metrik untuk satu posigan bagi setiap petak sawah apabila berat padi diperolehi untuk kaedah tersebut hanya sekitar 12 hingga 15 tan.

Jumlah tersebut, 70 peratus jauh terasas berbanding sasaran menyebabkan keseluruhan puluhan pesawah yang terlibat ketika itu kecewa dan marah kerana kos yang terlalu tinggi dan tidak berpadanan dengan hasil.

Ciuh demikian, cadangan kerajaan untuk melaksanakan projek sedemikian wajar diperhalusi sebelum dilaksanakan supaya matlamat peningkatan hasil dapat dicapai.

Bukan sahaja terhadap kualiti benih padi dan ketahananannya berlepas ancaman 'padi angin' serta serangan penyakit, bahkan kemampuan tanah sawah untuk 'menanggung beban' pusingan penanaman tahunan juga perlu diteliti.

Saipol Bahri Sahlan, 62, yang merupakan salah seorang pesawah terlibat melaksanakan projek tersebut sebelum ia mesiodahikan, ketika itu pelbagai agensi kerajaan

berikutan sawah padi terlibat melaksanakannya.

"Cakap gagal terlalu kasar, tetapi itulah hakikatnya. Akhirnya pesawah sendiri mengeluh, ada juga yang 'menyumpah' kerana terlalu kecewa, lima musim bukan suatu yang mudah dan tempoh dua tahun itu bukan singkat."

"Lima musim dalam tempoh itu bermakna kos pesawah meningkat berbanding eropot musim. Bagi satu musim, seorang pesawah menanggung selinggi RM2,000 kos bagi mengurus tanah dan mesacun, itu selepas ditolai subsidi daripada kerajaan."

"Jadi, untuk lima musim pesawah belanja sekitar RM10,000 untuk keseluruhan, tetapi hasilnya pula kurang, sekitar lima hingga tiga tan semusim. Kalau dibandingkan dengan harga pulk padi sekarang pun, langsung tak berbaloi."

"Pada peringkat permulaan, memang pesawah pun teruja memandangkan hasil yang bakal diperolehi itu dilihat berbaloi dengan usaha, tetapi bila akhir-akhir musim cuma dapat lima hingga tiga tan, siapa sanggup buat," katanya ketika ditemui.

Dalam pada itu Saipol Bahri menjelaskan, kali pertama projek tersebut dilaksanakan di blok D, K, P dan V, Kampung Sawah Sempadan, mereka menggunakan jenis benih padi yang mengambil masa sekitar 100 hingga 105 hari untuk matang dan ditanam.

Menurutnya, kawasan tersebut dipilih kerana berada paling dekat dengan tali air dan mempunyai saiz palong yang besar dan berupaya mengairi setiap 1.2 hektar petak sawah.

"Ketika itu kami menggunakan benih padi jenis MR220 CL yang diperkenalkan pada 2010. Benih tersebut pada musim biasa boleh hasilkan buah padi sekurang-kurangnya sekitar lapan tan. Kalau lima musim dalam dua tahun, sepatutnya boleh dapat 40 tan keseluruhan."

"Penanamannya dilakukan mengikut pelan dan jarak antara musim adalah sekitar 45 hari untuk pengurusan tanah."

"Tempoh 45 hari adalah minimum untuk pengunaan tanah, untuk dibakar, biar betul betul kering dan diruncup rumput sebelum memulakan musim seterusnya," katanya.

### "TANAH KURANG REHAT"

Sementara itu, seorang lagi pesawah yang pernah menyertai projek tersebut, Rosul Sirat, 55, di Blok V kampung tersebut memberitahu, projek berkenaan dilihat gagal dan hasil padi tidak seperti diharapkan kerana faktor tanah 'kurang rehat'.

"Tanaman padi adalah pertanian yang kritikal kerana melibatkan pengairan dan penggunaan racun yang banyak."

"Satu musim, kita kena racun antara enam hingga 10 kali untuk memastikan bebas serangan serangga, penyakit dan sebagainya."

"Bayangkan dalam tempoh dua tahun hampir 50 kali tanah menyerap kandungan racun, baja dan selama ratusan hari ia berada dalam kandungan air bersama bahan tersebut. Jadi, tanah juga perlahan rehat," jelasnya.

Bagi seorang pesawah muda, Firdaus Mispal, 26, yang menyertai sawah di blok P, K dan V memaklumkan, dia masih ingat kekecewaan pengusaha-pengusaha tanaman tersebut ketika itu yang rata-ratanya mengalami kerugian.

"Betapa kecewanya pesawah ketika itu. Mereka tak mahu lagi terlibat atau buat tanaman lima musim. Memang tanah tak cukup rehat, kalau dua musim ketika itu boleh dapat sehingga 12 tan semusim, projek lima musim pula pada musim terakhir dapat tiga tan, siapa sanggup?" Soalnya.

### SELESAIKAN MASALAH PENGAIRAN

Bagaimanapun bagi pesawah di Sekinchan, Pua Tian Wui, 32, menurutnya rata-rata pengusaha di sana mengetahui mengenai cadangan kerajaan untuk melaksanakan tanaman padi lima musim, namun mereka meminta masalah pengairan diselesaikan terlebih dahulu.

"Dua musim pun susah, apa lagi hendak buat lima musim dalam dua tahun. Kerajaan kena tolong selesaikan masalah pengairan, pergi tengok dalam palong, ada air tak sekarang? Sebab itu saya kena pam air dari parit air jauh."

"Masalah sedemikian kerap sangat berlaku terutama bila jarang hujan, kawasan sawah jadi kering, air dalam palong tak cukup dan pesawah terpaksa pam air."

"Hal itu pun sudah ditambah kos, buat lima musim, lagi banyak belanja," katanya.

Seorang lagi pesawah di kawasan berkenaan, Ah Ti, 60, memberitahu, dia khuatir tanaman lima musim tidak menjadi kerana tanah perlukan rehat yang cukup supaya hasil bagi musim seterusnya tidak terjejas.

"Empat musim dapat 40 tan, lima musim dapat berapa? Tanah perlu rehat, kalau tak kering nanti hasil tanaman untuk musim seterusnya tak banyak."

"Sebab kalau buat lima musim, kalau hasil tak banyak, yang untung cuma tuan tanah."

"Di Sekinchan ini, mereka kutip sewa RM6,000 setiap musim, kalau lima musim mereka untung, kita kalau hasil banyak tak apa, kalau kurang macam mana?" Soalnya.



SAIPOLO Bahri Sahlan meninjau dan menunjukkan plotu saluran air yang masuk ke dalam petak dari palong dekat sawahnya di Kampung Sawah Sempadan, Tanjung Karang di Kuala Selangor, Selangor. - MINGGUAN/SADDAM YUSOFF



**KERATAN AKHBAR : MINGGUAN MALAYSIA**

**TARIKH : 10 SEPTEMBER 2023**

**PERKARA : ISU SEMASA**

## Kerajaan teliti polisi rantai bekalan agromakanan

**PETALING JAYA:** Penyelarasan rantai bekalan dan menambah baik akses pasaran dalam sektor agromakanan adalah antara keutamaan Kementerian Pertanian dan Keterjaminan Makanan (KPKM) dalam meneliti dasar dan menyesuaikan polisi agromakanan negara dengan cabaran ketika ini.

Bercakap kepada *Mingguan Malaysia*, Timbalan Menteri-nya, Chan Foong Hin berkata,

mengambil iktibar daripada pengalaman ketika dan pasca-pandemik adalah antara keutamaan yang diberikan kepada menyelaras semula rantai bekalan agromakanan supaya menjadi lebih efisien dan menyeluruh.

"Selain itu menambah baik akses pasaran dalam dan luar negara kepada pengusaha agromakanan," katanya ketika dihubungi, semalam.

Terdahulu, *Utusan Malaysia* dalam laporannya mengutarakan pandangan pakar-pakar pertanian yang berpendapat sudah tiba masanya kerajaan merombak polisi pertanian lapuk yang wujud sejak enam dekad lalu dengan memperkenalkan polisi lebih terbuka bagi memastikan keterjaminan sumber makanan negara pada masa akan datang.

Polisi pertanian lapuk terutama jualan, pendedaran dan

pengagihan input pertanian seperti benih dan baja yang masih dipusatkan di bawah satu agensi atau entiti, dilihat menyukarkan negara untuk keluar daripada kebergantungan import.

Malah, matlamat Dasar Agromakanan Negara 2021-2030 (DAN 2.0) yang mahu memastikan sektor keterjaminan makanan negara yang mampan tidak akan tercapai jika polisi itu terus dikekalkan.

Sementara itu, Pengerusi Pertubuhan Gerak Tani, Datuk Mazlan Aliman berkata, agenda reformasi masa depan sektor makanan perlu dibincangkan bagi mengelakkan negara terus bergantung kepada import.

Katanya, ini kerana beliau bimbang keadaan bertambah parah dalam tempoh 10 hingga 15 tahun akan datang dan menyebabkan kebergantungan tinggi terhadap import.

**KERATAN AKHBAR : MINGGUAN MALAYSIA**

**TARIKH : 10 SEPTEMBER 2023**

**PERKARA : ISU SEMASA**

## Nafas pertahan polisi pertanian

**PETALING JAYA:** Pertubuhan Peladang Kebangsaan (Nafas) mempertahankan sistem pemusatan agihan jualan, pengedaran atau input pertanian di bawah agensi tertentu yang dianggap penting untuk mengawal aktiviti berkenaan dalam menjamin bekalan yang cukup.

Bercakap kepada *Mingguan Malaysia*, Pengerusi Ahli Jemaah Pengarah (AJP) Nafas, Datuk Zamri Yaakob berkata, polisi yang dilaksanakan ketika ini sudah betul.

Katanya, Nafas memiliki sejuta ahli dengan 99 peratus daripadanya adalah pesawah.

"Walaupun pertubuhan peladang, tetapi Nafas sama seperti agensi lain di bawah Kementerian Pertanian dan Keterjaminan Makanan (KPKM). Jadi lebih banyak kebaikan sebab kerajaan senang kawal kita dan kita akan ikut apa sahaja arahan kerajaan.

"Kalau terbuka misalnya kepada swasta, mungkin tidak akan ikut (piawaian ditetapkan) sebab mahu cari untung semata-mata. Jadi, Nafas bukan begitu dasar kita. Betul mahu untung juga, tetapi tetap pastikan pesawah dapat baja berkualiti dengan harga murah.

"Satu ketika harga baja naik 100 peratus, kita tetap kekal (dengan harga murah). Kalau swasta harga naik mungkin terus naik juga," katanya ketika dihubungi, semalam.

Beliau mengulas gesaan pakar-pakar bahawa sudah tiba masanya kerajaan merombak polisi pertanian lapuk yang wujud sejak enam dekad lalu dengan memperkenalkan polisi lebih terbuka bagi memastikan keterjaminan sumber makanan negara pada masa akan datang.

Mengulas lanjut, Zamri berkata, amalan pemusatan agensi tertentu bukan hanya dilaksanakan di negara ini, tetapi dipraktikkan di negara lain.

**KERATAN AKHBAR : METRO AHAD**  
**TARIKH : 10 SEPTEMBER 2023**  
**PERKARA : PERTANIAN**

Oleh Muhammad Saufi Hassan  
 saufi@metroprn.com.my

**Pemeriksaan** sektor pertanian perlu dilakukan secara berterusan kerana ia bukan saja menyumbang kepada Kadar Negara Kasar (KDKN), malah memberi pulangan kepada kerajaan.

Untuk rekod, sektor perladangan terdiri daripada kelapa sawit, getah dan kedondong. Jumlah keluasan dianggarkan sekitar 7.11 juta hektar.

Pakar Ekonomi Pertanian, Universiti Putra Malaysia (UPM) Profesor Datuk Dr. Mad Nasir Shamsudin berkata, sumbangan sektor pertanian kepada KDKN daripada segi peratusnya akan menurun apabila sesebuah negara itu menuju ke negara bertaraf perindustrian.

Katanya ia membabitkan Malaysia dan dianggarkan sumbangan sektor pertanian dalam lingkungan 7.5 peratus.

"Dari segi nilainya, ia bertambah kerana disebabkan skop sektor pertanian sampai di ladang sahaja.

Jika skop pertanian mengambil kira perniagaan tani termasuk aktiviti hiliran, sumbangan sektor pertanian kepada KDKN termasuk aktiviti hiliran



Jumlah import sektor pertanian semakin meningkat.



Penggunaan teknologi dapat meningkatkan hasil perkerja.



**Sektor pertanian di Malaysia secara amnya terbahagi kepada dua subsektor iaitu tanaman komoditi dan subsektor makanan**  
**DR MAD NASIR**

ini menyumbang Keluaran Dalam Negara Kasar (KDKN) negara, pendapatan eksport, pekerjaan dan input kepada sektor industri asas tani," katanya.

Dr Mad Nasir berkata, antara faktor meningkatkan produktiviti sektor pertanian adalah melalui penggunaan teknologi.

Katanya, ia termasuk penggunaan teknologi seperti mekanisasi, sensor, dron, penjejakan cuaca, automasi, pertanian menegak, kecerdasan buatan, nano teknologi, teknologi Sistem Kedudukan Global (GPS) pertanian, robotik dan pertanian tepat.

"Penggunaan mekanisasi dan teknologi terkini mampu meningkatkan kadar upah bagi pekerja kerana setiap pekerja memerlukan kemahiran tertentu untuk mengoperasikan peralatan.

"Ini antara bentuk umuk menarik pekerja tempatan, sekaligus mengurangkan kebergantungan kepada pekerja luar," katanya.

Bellau berkata, pemerksaan sektor pertanian yang dilakukan secara berterusan dapat mengurangkan kebergantungan negara kepada import pertanian yang dilihat semakin menaik setiap tahun.

Berdasarkan Laporan Indikator Pertanian Terpilih Malaysia 2021 menyatakan jumlah import sektor pertanian menunjukkan peningkatan kepada RM98 bilion pada 2020 berbanding RM91.5 bilion pada 2019 dan ini menunjukkan kebergantungan negara kepada import pertanian semakin meningkat.

**Penggunaan teknologi bantu tingkat produktiviti, kurangkan kebergantungan negara terhadap import pertanian**

dalam lingkungan 20 peratus," katanya.

Bellau berkata, bagi penanaman kelapa sawit saja, jumlah keluasan melebihi 5.8 juta hektar dengan nilai eksport lebih daripada RM70 bilion dan ini memberi pulangan lumayan kepada negara, sekali gus

sektor pertanian ini perlu diperkasakan dengan lebih meluas.

Katanya dengan jumlah keluasan ini, sektor perladangan memerlukan ramai pekerja.

Menurutnya, semua sektor perladangan Malaysia berdepan

kekurangan lebih 500,000 pekerja sektor perladangan komoditi dengan anggaran masing-masing 220,000 pekerja tempatan dan 265,397 pekerja asing berdaftar bagi sektor terbahagi setakat ini.

Realitinya banyak pekerjaan berkenaan dimonopoli warga asing apabila rakyat tempatan

kutang berminat dengan segmen pekerjaan 3D atau kotor, berbahaya dan sukar.

"Daripada segi pengeluaran, sektor pertanian di Malaysia secara amnya terbahagi kepada dua subsektor iaitu tanaman komoditi dan subsektor makanan." Kedua-dua sektor



Sektor pertanian memerlukan banyak tenaga perkerja.



KERATAN AKHBAR : BERITA HARIAN

TARIKH : 10 SEPTEMBER 2023

PERKARA : ISU SEMASA

# Syor beras tempatan di Sabah masuk senarai barang kawalan

**Pertimbangan bawa bekalan dari Semenanjung bolehkan rakyat nikmati harga lebih rendah**

**Papar:** Pemangku Menteri Perdagangan Dalam Negeri dan Kos Sara Hidup, Datuk Armizan Mohd Ali, berkata pihaknya telah mencadangkan supaya beras tempatan di Sabah dimasukkan dalam senarai barang kawalan harga bagi membantu rakyat di Negeri di Bawah Bayu itu.

Menteri di Jabatan Perdana Menteri (Hal Ehwal Sabah, Sarawak dan Tugas-Tugas Khas) itu berkata pihaknya telah mengemukakan mengenai perkara itu kepada Menteri Pertanian dan Keterjaminan Makanan, Datuk Seri Mohamad Sabu dan Ketua Menteri Sabah, Datuk Seri Hajiji Noor bagi merealisasikan hasrat itu.

"Disyorkan KPKM (Kementerian Pertanian dan Keterjaminan Makanan) mengadakan perbincangan dengan Kerajaan Sabah untuk meneliti kesesuaian dan mempertimbangkan pindaan dibuat kepada perintah sedia ada bagi



Armizan menunjukkan harga barang jualan Rahmah pada Program Jualan Rahmah Kampung Kawang di Pekarangan Masjid Nurul Iman, Kampung Kawang, Papar, semalam. (Foto BERNAMA)

membolehkan harga beras tempatan di Sabah dimasukkan dalam senarai kawalan harga.

"Pindaan kepada perintah ini boleh disusuli dengan pertimbangan membawa bekalan beras putih tempatan dari Semenanjung ke Sabah untuk membolehkan rakyat di Sabah juga memanfaatkan alternatif harga beras yang lebih rendah melalui beras putih tempatan," katanya selepas mengadakan tinjauan ke Program Jualan

Rahmah Kampung Kawang di Pekarangan Masjid Nurul Iman, Kampung Kawang di sini, semalam.

#### Industri di Sabah berbeza

Menjelaskan situasi itu, Armizan berkata, kawalan harga beras tempatan terletak di bawah bidang kuasa Persekutuan melalui Kawal Selia Padi dan Beras, KPKM.

Beliau berkata, punca kuasa perkara itu merujuk kepada Akta

Kawalselia Padi dan Beras (Akta 522) 1994, Perintah Beras (Kawalan Gred dan Harga) (Pindaan) (No.5) 2008, bagaimanapun beras tempatan Sabah tidak termasuk dalam senarai dikawal harga.

Katanya, ini kerana pihaknya difahamkan industri beras tempatan di Sabah sedikit berbeza dengan Semenanjung sebagai contoh kapasiti saiz kilang padi, daya kecekapan dan daya saing antara pengilang di Sabah adalah lebih

rendah berbanding Semenanjung.

"Tahap infrastruktur berbeza ditambah cabaran musim banjir juga memberi kesan kepada kualiti pengeluaran padi. Kaedah agihan subsidi juga berlainan sebagai contoh benih padi di bawah bidang kuasa kerajaan negeri. Atas sebab itu, harga beras tempatan di Sabah tidak termasuk dalam perintah pengawalan.

"Selain mengambil kira kadar penghasilan padi rendah lima peratus serta kos pengeluaran padi yang tinggi, harga jualan beras tempatan Sabah adalah lebih tinggi dan tidak dikawal harganya. Ini bertujuan untuk menyokong industri beras tempatan Sabah terus kekal mampan dan berdaya saing," katanya.

Sementara itu, Armizan berkata pihaknya sedang berusaha untuk mengadakan Jualan Rahmah sebanyak dua kali sebulan di lebih 600 Dewan Undangan Negeri (DUN) seluruh negara bagi membantu rakyat yang terkesan dengan kenaikan harga barang keperluan.

"Inisiatif ini susulan peruntukan tambahan RM50 juta untuk memperluaskan Jualan Rahmah seperti diumumkan Perdana Menteri Datuk Seri Anwar Ibrahim pada 30 Julai lalu, bagi menawarkan barang keperluan dengan harga sehingga 30 peratus lebih murah daripada harga pasaran se tempat," katanya.

BERNAMA

KERATAN AKHBAR : BERITA HARIAN

TARIKH : 10 SEPTEMBER 2023

PERKARA : ISU SEMASA

# Kekurangan bekalan beri gambaran berlaku manipulasi pasaran

**Kota Kinabalu:** Kementerian Pertanian dan Keterjaminan Makanan (KPKM) diminta menghentikan sindrom penafian berhubung skandal manipulasi pemasaran beras putih tempatan.

Pengerusi Jawatankuasa Portfolio Pertanian Perikatan Nasional (PN), Datuk Seri Dr Ronald Klандee, sebaliknya mahu kementerian itu lebih serius dalam usaha menangani kekurangan bahan makanan berkenaan.

Katanya, kementerian berkenaan perlu lebih peka terhadap isu kekurangan beras putih tempatan yang berlaku ketika harga runcit beras putih import naik.

Beliau mendakwa situasi keku-

rangan beras putih tempatan ketika ini memberi gambaran seolah-olah berlaku skandal manipulasi pasaran.

## Perbezaan harga ketara

Katanya, amat menghairankan keadaan itu berlaku apabila harga beras putih import naik hingga RM3.90 sekilogram, berbanding harga kawalan runcit beras putih tempatan yang lebih rendah iaitu RM2.60 sekilogram, jika tiada sebarang unsur manipulasi.

"Perbezaan harga yang ketara di antara beras putih tempatan dan beras putih import pastinya menjadi antara faktor pendorong kepada skandal manipulasi untuk

terus berlaku," katanya dalam kenyataan, di sini.

Bekas Menteri Pertanian dan Industri Makanan itu berkata, negara secara konsisten berjaya mengeluarkan beras tempatan hingga mencapai 65 peratus tahap sara diri (SSR) manakala hanya 35 peratus beras yang diimport.

Katanya, sebahagian besar beras yang diimport itu adalah beras wangi dan beras istimewa, berbanding beras putih biasa.

"Persoalannya di mana pergi beras putih tempatan yang tiba-tiba berkurangan secara ketara ketika ini? Apakah jaminan kementerian bahawa kekurangan ini tiada kaitan dengan kenaikan harga runcit

KPKM perlu lebih proaktif memastikan pengguna tidak ditindas pihak bertanggungjawab yang ingin meraih keuntungan dengan memanipulasi beras tempatan sebagai beras

**Ronald Klандee,**  
Pengerusi Jawatankuasa Portfolio  
Pertanian Perikatan Nasional (PN)



beras import?"

"Tindakan menteri bertanggungjawab dan kementerian sekadar mengeluarkan kenyataan penafian bahawa tiada manipulasi beras tempatan dijual sebagai beras import amat tidak memadai," katanya.

Justeru, katanya, KPKM perlu lebih proaktif memastikan pengguna tidak ditindas pihak bertanggungjawab yang ingin meraih keuntungan dengan memanipulasi beras tempatan sebagai beras import.

Ronald yang juga Ahli Parlimen Beluran turut menyifatkan tinda-

kan menghabiskan pembelian 100 kilogram bagi setiap individu yang ditumukkan KPKM seperti melepaskan batok di tangga.

Beliau berkata, ia tidak menampakan kesungguhan dan keprihatinan kerajaan kerana pengumuman seperti itu tidak memberi kesan jika tidak disusuli dengan tindakan penguatkuasaan yang berkesan.

Katanya, kerajaan membelanjakan lebih RM1.8 bilion setahun melalui pelbagai subsidi untuk memastikan rakyat negara ini menikmati beras putih tempatan dengan harga RM2.60 sekilogram.



**KERATAN AKHBAR : BERITA HARIAN**

**TARIKH : 10 SEPTEMBER 2023**

**PERKARA : ISU SEMASA**

# Pasaran beras global tertekan sejak India hentikan eksport

Walaupun hanya tujuh minggu berlaku sejak India menghentikan eksport beras, harga makanan ruij itu memudat ketara di pasaran global apabila beberapa negara pengeluar utama turut mengambil tindakan sama.

Harga beras di Asia melonjak kembali menaham parti paras tertinggi dalam hampir 15 tahun pada Rabu (30 Ogos) selepas India menggunakan lebih banyak sekatan eksport beras turut merangkumi beras rebas dan basmati, yang sebelum ini dikeselir.

Dua jenis beras itu adalah yang terakhir masih bebas sebelum ini daripada sekatan eksport, memahwa kepada kompen lebih ketat baru baru ini yang bermula dengan larangan eksport pada 20 Julai ke atas penghantaran beberapa bajaran lain.

Tindakan pengepaoet utama beras dunia yang menguasai 40 peratus pasaran itu menyekat eksport beras membantukan kerajaan dari Asia ke Afrika Barat panik.

Pengeluar besar lain cuba meyakinkan penunna bahawa bekalan beras adalah mencukupi, tetapi ia tidak banyak membantu untuk menentangkan pasaran.

Prof Emeritus di Universiti Harvard, Peter Timmer, yang mengkaji keselamatan makanan selama beberapa dekad, berkata kenaikan harga beras sentiasa merugikan penunna miskin.

"Keofintangan yang paling mendesak sekarang ialah, sama ada Thailand dan Vietnam akan mengikut langkah India meletakkan kawalan yang ketara ke atas eksport beras mereka.

"Jika ini berlaku, kita akan melihat harga beras dunia melepasi AS\$1,000 (RM4,700) satu tan," katanya.

Kekawatangan memuncak kerana beras adalah sumber makanan penting untuk berbilion bilion penduduk dunia dan menyumbang 60 peratus daripada jumlah pengambilan kalori untuk penduduk di Asia Tenggara dan Afrika.

Harga penanda aras kini berada pada AS\$646 (RM3,021) satu tan dan cuba boleh meningkatkan harga pasaran naik lebih tinggi.

Permulaan musim El Nino tahun ini mengancam untuk memercerinkan banyak kawasan pertanian utama di seluruh Asia, dengan Thailand sudah memberi amaran mengenai kemarau pada awal 2024.

Tanaman di China, pengeluar dan pengimport terbesar dunia, mungkin terlepas dari pada cuaca buruk setakat ini, tetapi kawasan pertanian utama India memerlukan lebih banyak hujan.

Langkah India dilihat berpaksikan kepada politik kerana kerajaan Perdana Menteri, Narendra Modi, sedang menghadapi pilihan raya awal tahun depan.

**Kebimbangan yang paling mendesak sekarang ialah, sama ada Thailand dan Vietnam akan mengikut langkah India meletakkan kawalan yang ketara ke atas eksport beras mereka. Jika ini berlaku, kita akan melihat harga beras dunia melepasi AS\$1,000 (RM4,700) satu tan**

Peter Timmer,  
Prof Emeritus di Universiti Harvard



Justeru, harga makanan yang tinggi boleh meyakinkan pengundi tidak menyokongnya dan sekatan eksport hanya menjanyai sedikit kesan kepada harga beras tempatan India.

Harga beras di ibu negara, New Delhi, masih lebih tinggi berbanding setahun lalu setakat 31 Ogos, tetapi sejak larangan eksport pada Julai, harga kekal stabil pada 20 rupee (RM2.20) sekilogram.

Di seluruh India harga hanya meningkat sedikit, namun sekatan eksport beras India memberi kesan lebih ketara di seluruh dunia.

Filipina terpaksa meletakkan had harga beras di seluruh negara berikutan peningkatan yang melimpah langkan dalam kos runtu dan laporan pencacutan oleh petani di negara yang menjadi pengimport bijirin kedua terbesar di dunia.

### Pilih, laluan diplomatik

Sementara itu, negara lain yang lumbang mengatasi krisis beras memilih laluan diplomatik, uspa mana Guinea yang menghantar menteri perdagangannya ke India.

Singapura, Mauritius dan Bhutan pula meminta New Delhi mengocualikan mereka daripada sekatan atas alasan keselamatan makanan, satu ke-longgaran yang diberikan negara Asia Selatan itu apabila mengharuskan satu jenis bijirin.

Dalam pada itu, sekatan eksport beras dikuai kuasakan India setaliknya meletakkan peluang kepada Thailand selaku perageksport beras kedua terbesar dunia.

ia mengasikan perjumpaan beberapa minggu ke belakangan ini dengan pegawai perdagangannya membuat lawatan ke Filipina, Indonesia, Malaysia dan Jepun dengan mesej: "Jika anda mahukan beras, kami ada".

Vietnam menawarkan sedikit sokongan kepada pasaran dengan mengizinkan negara itu berke-mungkinan bakal melebihi sasaran eksportnya untuk tahun ini, satu pencapaian tanpa menjejaskan keselamatan makanannya sendiri.

Persekutuan beras Vietnam merancangkan pem-berhentian sementara penghantaran beras bagi me-ngawal kenaikan harga domestik, namun ditolak oleh kerajaan mendorong pihak persekutuan beras meningkatkan penghantaran.

Dalam perkembangan terbaru pada Khamis lalu, Vietnam sudah pun memandatangani perjanjian beras antara kerajaan dengan Filipina bagi menjamin keselamatan makanan di kedua-dua negara berke-naan.

Vietnam adalah pengeksport beras ketiga terbesar di dunia tahun lalu, manakala Filipina adalah pembeli terbesarnya.

Persatuan Pengeksport Beras Thailand pula mengemas kini harga beras putih lima peratus hancur susulan meyyuarat mingguaninya pada Rabu lalu.

Biar apa pun berlaku, pelabur sudah pasti akan menjadikan harga beras di Asia sebagai penanda aras untuk berca melihat sama ada pasaran tenang, semakin tertekan atau sedang menuju trend ha-hara.

AGENSI





**KERATAN AKHBAR : SINAR AHAD**  
**TARIKH : 10 SEPTEMBER 2023**  
**PERKARA : ISU SEMASA**

## Had beli beras tempatan 100kg beri kesan pengusaha makanan

**ALOR SETAR** - Penetapan had pembelian maksimum 100 kilogram (kg) beras putih tempatan dikhuatiri memberi kesan dan mendorong pengusaha industri makanan menaikkan harga makanan.

Presiden Persatuan Pengguna Kedah (Cape), Mohamad Yusrizal Yusoff berkata, penetapan peraturan terbabit perlu dilihat semula dengan lebih teliti

memandangkan ia tidak hanya melibatkan individu tetapi juga industri makanan.

Menurutnya, pengusaha industri makanan seperti kantin sekolah sebagai contohnya, memerlukan bekalan beras yang banyak setiap hari bagi menampung keperluan pengguna di premis mereka.

"Mengehadkan pembelian jumlah itu kepada industri makanan seperti kantin, restoran dan sebagainya membawa impak

kepada mereka," katanya kepada *Sinar Ahad*.

Mohamad Yusrizal berkata, dia bimbang pengusaha industri makanan yang terkesan akan menaikkan harga makanan sekiranya perlu menggunakan beras import.

"Akhirnya, ia akan berbalik kepada perbelanjaan pengguna (meningkat) dan inilah yang jadi masalah," katanya.

**KERATAN AKHBAR** : SINAR AHAD  
**TARIKH** : 10 SEPTEMBER 2023  
**PERKARA** : ISU SEMASA

# Bekalan beras Ehsan kurang 10 hingga 15 peratus

Isu kekurangan bekalan diperoleh hasil laporan Jualan Ehsan di seluruh negeri

Oleh MOHD IZZATUL IZUAN TAHIR  
KUALA SELANGOR

**K**erajaan negeri Selangor mengakui beras cap Ehsan lima kilogram (kg) keluaran Perbadanan Kemajuan Pertanian Selangor (PKPS) mengalami kekurangan bekalan antara 10 hingga 15 peratus pada awal bulan lalu.

Menteri Besar Selangor, Datuk Seri Amirudin Shari berkata, isu kekurangan bekalan itu diperoleh hasil daripada laporan Jualan Ehsan di seluruh negeri ini.

"Kalau ada kekurangan (bekalan beras), ia berlaku di satu atau dua premis yang kehabisan stok dan tidak sempat untuk tambah bekalan," katanya.

Beliau berkata demikian ketika ditemui selepas Istiadat Konvokesyen Universiti Selangor (Unisel) kali ke-17 di Kampus Bestari Jaya di sini pada Sabtu.

Amirudin berkata, kerajaan negeri melalui Exco Kemajuan Infrastruktur dan Pemodenan Pertanian dan Perladangan, Ir Izham Hashim dan Kementerian Perdagangan Dalam Negeri dan Kos Sara Hidup diminta memantau dengan lebih teliti isu berkenaan.

"Setakat ini, laporannya tidak begitu kritikal dan masih terkawal, malah saya percaya kita dapat tangani termasuk menambah pengeluaran dan juga lebihan dari Sekinchan yang menjadi kawasan pe-



AMIRUDIN

ngeluaran padi dan beras negeri," katanya.

Ditanya adakah kerajaan negeri juga bersedia untuk menambah stok bekalan beras semasa Jualan Ehsan Rahmah (JER) di negeri ini, Amirudin berkata, perkara itu akan dilaksanakan berikutan permintaan tinggi pada masa ini.

"JER akan diteruskan, tetapi paling penting kita hendak pastikan di pasar raya bekalannya mencukupi.

"Pada masa ini, empat outlet yang menjual barangan Ehsan mencukupi walaupun mendapat permintaan tinggi selepas tersebar di Facebook beras kita lebih murah berbanding lain" katanya.

Katanya, kerajaan negeri menyediakan subsidi sebanyak RM3 untuk setiap lima kg beras Ehsan yang dibeli penduduk semasa JER.

**KERATAN AKHBAR**

**: SINAR AHAD**

**TARIKH**

**: 10 SEPTEMBER 2023**

**PERKARA**

**: ISU SEMASA**

# Bohong diri pasal padi



**ASAM PEDAS**  
A KADIR JASIN

**K**ita sudah lama tidak mengalami keadaan perang. Yang terakhir adalah darurat 1948-60 apabila bekalan makanan dikawal supaya tidak jatuh ke tangan pasukan bersenjata komunis.

Tetapi tiba-tiba, 66 tahun lepas mende, dan dalam keadaan aman rakyat jelata mengeluh mengenai kenaikan harga bahan-bahan makanan dan kekurangan bekalan beras.

Ini adalah keadaan yang sangat membimbangkan. Malah ia sudah menular sehingga menyebabkan kerencatan di kalangan kanak-kanak keluarga miskin meningkat semula.

Mengapakah hal ini terjadi di Malaysia yang buminya luas serta subur dan cuacanya baik? Jawapannya ialah kerana kerajaan cakap tidak serupa bikin dan rakyat leka dengan subsidi dan gula-gula pilihan raya.

Baguslah kalau Kerajaan Perpaduan ini (dan mana-mana juga pentadbiran di masa akan datang) merancang mem-

belanjakan RM3 bilion bagi memperbaiki prasarana persawahan. Itulah yang diumumkan Perdana Menteri, Datuk Seri Anwar Ibrahim, di Alor Setar 15 Julai lalu.

Walaupun jumlah RM3 bilion itu tidaklah besar berbanding puluhan bilion ringgit yang dibelanjakan membina prasarana pengangkutan bandar, ia tetap dialu-alukan.

Saya selalu ungkit janji kerajaan tahun 2006 akan membelanjakan perijmatan subsidi petrol sama rata di kalangan semua rakyat jelata yang terkesan dengan kenaikan harga bahan bakar.

Sebanyak RM50.2 bilion dianggarkan sedang dibelanjakan bagi meluaskan sistem transit bandar tetapi amat sedikit bagi menaikkan taraf prasarana pertanian, khususnya persawahan.

Tidak peliklah kalau daripada banyak kawasan padi di negara kita ini, hanya Sekinchan lengkap dengan sistem perparitan tertier. Yang lain boleh dikatakan hanya separuh jalan. Apabila bekalan beras dunia merosot, eksport disekat dan harga melambung, barulah timbul macam-macam cerita tipu diri dalam pengeluaran dan pemasaran beras negara.

Bukan perkara baru pun. Sudah dialami dan diketahui berdekad-dekad lamanya. Misalnya pergantungan kepada orang tengah, sawah milik orang Melayu yang dipajak kepada orang bukan Melayu, khususnya Cina, keluasan ben-

dang yang semakin sempit kerana faraid dan tukar guna tanah, keracunan tanah kerana penggunaan baja kimia berlebihan dan lumpur semakin dalam akibat penggunaan jentera pertanian yang terlalu berat.

Tidak seperti pesawah Jepun yang sesuai dengan bumi mereka dan pesawah Thailand yang pandai mereka-cipta dan menyesuaikan alat jentera, petani kita kurang teknologi dan terlalu bergantung kepada apa yang disediakan oleh orang tengah. Berkenaan kenaikan mendadak harga beras import, minta maaflah saya guna istilah "bodoh". Hanya orang bodoh saja membenarkan kenaikan begitu besar - 36 peratus - sekali gus.

Saya minta pandangan seorang bekas eksekutif kanan Bernas mengenai Kementerian Pertanian dan Keterjaminan Makanan (KPKM) meminta pengilang padi menyerahkan 20 peratus kuota mereka untuk diproses oleh Bernas bagi menghasilkan beras putih tempatan.

Katanya, langkah itu tidak masuk akal dan memalukan. Kerajaan membenarkan kenaikan harga beras import terlalu tinggi. Tidak dapat tidak, peniaga akan mencampurkan beras tempatan dengan beras import bagi tujuan membuat keuntungan. Apatah lagi apabila perbezaan harga beras tempatan dan import terlalu besar.

Kata beliau, kerajaan sepatutnya me-

ikirkan sedalam-dalamnya sebelum membenarkan kenaikan harga yang besar seperti itu dan membuat persediaan terperinci. Inilah yang sepatutnya menjadi tanggungjawab dan amanah pengimport tunggal seperti Bernas.

Katanya, tugas mereka adalah memantau aliran pembekalan dan perdagangan beras dunia serta membuat ramalan yang tepat supaya boleh melakukan pembelian pada harga terbaik dan menyimpan stok.

Maaf cakaplah kalau saya kata, perkembangan terbaru ini nampak seolah-olah Bernas menghadiahkan RM60 juta kepada kerajaan untuk diagih-agihkan kepada pesawah dan dengan sekelip mata harga import naik 36 peratus.

Boleh jadi tidak semua orang tahu yang melalui Bernas Malaysia mengimport 1.24 juta tan metrik beras tahun lalu, meningkat daripada 1.16 juta tan tahun 2021.

Kesimpulannya, bala yang sedang menimpa kita dalam bentuk kenaikan harga beras import dan kekurangan bekalan beras tempatan ini adalah akibat dasar, perancangan dan pelaksanaan jangka panjang dan pendek yang compang-camping, banyak cakap dan berbohong kepada diri sendiri.

*\* Datuk A Kadir Jasin ialah Tokoh Warisan Negara*



# Loving it, and wasting it



## Malaysians continue to waste rice despite price rise, say eatery owners

By KHOO GEK SAN  
gek.san@thestar.com.my

**PETALING JAYA:** Imported rice is getting more expensive and parts of the world are facing grain shortages – but wasting food seems to be an entrenched habit for many Malaysians.

"Malaysians are so 'generous' in wasting food," said Malaysian Indian Restaurant Owners Association vice-president C. Krishnan.

"There is often leftover rice in the plate, whether it's half or a small portion," he said.

His workers, he said, would always find uneaten rice when they cleared tables.

Krishnan said restaurants had made concerted efforts to curb rice wastage and mitigate the impact of rising prices.

"Unfortunately, sometimes customers order food but do not eat it," he added.

He said eateries might explore the possibility of introducing dining options such as smaller bowls.

"This would cater to those with smaller appetites, enabling them to enjoy a smaller portion at a lower or similar price point, while customers who desire larger servings can pay extra," he said when contacted.

Krishnan said he believed the government should do more to educate the public on consuming appropriate portions and not wasting food.

With prices of imported rice having gone through several revisions of late, he said business



**Sheer waste:** Customer didn't finish their rice after a meal at one of the restaurants in Kuala Lumpur. — FAIHAN GHANI/The Star

owners were taking a "wait and see" approach.

"Rice used to be very cheap, ranging from 50sen to RM1. Now it costs between RM2 and RM3 per serving," he added.

Krishnan said that restaurants typically need to cook 50kg of rice daily.

"There's no need to cook the entire quantity in the morning, so the issue of wasting rice by storing it for the next day doesn't arise," he added.

Sahabat Tomyam Prihatin Semalaysia Association adviser Che Mamat Chemod also said Malaysians waste food, but restaurant owners were not in a position to restrict the amount customers want.

"We want them to order more food because that's how we make money. But seeing them not finishing their meals is disheartening," he said, adding that restaurant owners were conflicted over this.

"With the rising cost of ingredients, we hope people will value food even more," he added.

Che Mamat said restaurants would prepare food based on the orders placed by customers to prevent wastage.

"We'll continue to cook the same quantity of rice daily, which can be used for fried rice later. We can also refrigerate the rice for meals for the staff. We don't want to waste rice," he said.

Malaysia Selangor and Federal

Territory Ku Su Shin Chung Hung Restaurants Association deputy president Justin Hor Chee Keong said in recent years, he noticed many people had been reducing their food intake and the consumption of white rice in Chinese restaurants had decreased.

"Some customers even skip white rice altogether... for health reasons," he added.

White rice in restaurants is served in small bowls, Hor said, adding that this typically costs between RM2.50 and RM3.

"If customers need more white rice, they can order an additional bowl," he said.

Pan Malaysia Koo Soo Restaurants and Chefs Association president Wong Teu Hoon cited a

Chinese saying, "Who knows the toil involved in every grain of rice in the bowl?"

This, he said, was about the traditional value of not wasting food.

He said that in many households, the elders would encourage children to eat all the rice in their bowl.

To curb wastage, he said, some restaurant owners served rice according to the number of customers.

"More rice is added only if it's not enough.

"In the kitchen, they cook the second batch of rice only if supply is running low. It takes about 20 minutes to cook rice, so they don't prepare too much rice to avoid wastage," said Wong.

In April, Deputy Local Government Development Minister Akmal Nasrullah Mohd Nasir said 252,521 tonnes of solid waste were collected by Public Cleansing Management Corporation during Ramadan last year.

Out of that, about 44.5% was food waste.

The price of imported white rice went up by 36% to RM3,200 per metric tonne as announced by Padiberas Nasional Bhd (Bernas) on Sept 1.

On July 20, India stopped its non-basmati white rice exports to stabilise prices and ensure availability within the country.

The move was driven by domestic concerns such as rising food prices, inflation, and fear of a rice shortage due to El Nino disruptions.